



UNIVERSITÄTS-
BIBLIOTHEK
PADERBORN

Universitätsbibliothek Paderborn

Martini Martinii Tridentini E Societate Jesu Sinicae Historiae Decas Prima

Martini, Martino

Monachii, 1658

Vndecimus Imperator. Zuieus. Imperavit annis XIX.

urn:nbn:de:hbz:466:1-11848

DECIMUS IMPERATOR
HOTANKIAUS.

Imperavit annis IX.

*Cyclo 20. anno
24. ante Chys.
anno 1534.*

HIC VAIGNI frater natu minor sceptrum adeptus, quòd illè sine prole extinctus esset immaturâ adhuc ætate; ob Croci fluminis inundationes denuo sedem regiam mutavit, loco editiore delecto ad SIANG, quæ HONANÆ provinciæ olim civitas, hodie KINGTE appellatur. Neque hic quidquam memoriâ dignum gessit; uno tantum filio, quem optimum reliquit, imperij successore felix.

VNDECIMUS IMPERATOR.

ZUIEUS.

Imperavit annis XIX.

*Cyclo 20. anno
33. ante Chri.
anno 1545.*

IS ZUYEUS fuit, cui post obitum Pacifici cognomen adhæsit, subjectam gentem, quoad vixit, in profundissimâ pace continenti. Quâ in re magno illo adjumento Colai summi Præfecti virtus fuit. Hoc enim nomine Colaum, quod adiutorem seu privatum significat, Sinæ vocant. Quâ voce nos etiam utemur deinceps, ut eum à ceteris, summis item tribunalium Præfectis discernamus. Hujus ergo Colai, cui nomen HIENIUS, virtute ac prudentiâ effectum, ut reguli beneficiariorum omnes, nec pauci dynastæ summo consensu & amore pari ZUYEUM ut Imperatorem amplecterentur; promptissimi semper ad reverentiam obsequij.

Et si verò jam supra de regulis ac dynastis illata mentio est, quales fuerint & unde; hoc tamen loco denuo notari velim, eos omnes ex imperatoriâ stirpe vel filios, vel nepotes fuisse. Nam unâ in familiâ penes unum duntaxat suprema potestas erat; reliqui dignitate regulorum

gularum insigniebantur, attributâ ditione & vectigalibus, quæ splendorem generis non offuscarent. Sed deinceps nonnullos dicemus, quos huic ordini merita sua extra ordinem inferuere. Id adeo sub hoc Imperatore factum, qui HENIUM hac dignitate primum donavit, nunquam tamen à se abire passus, quo carere non potuerat, suoque regno ante omnes fideli.

DUODECIMUS IMPERATOR.

ZUSINIUS.

Imperavit annis XVI.

ZUSINIUS ZUYEI filius in aditu imperij iurgiorum materies fuit; &, nisi obviam esset itum in tempore, jamjam in bellum gliscentium. Magna patruos inter ac nepotes pro regno contentio fuit. Illi tanquam ætate priores affectabant imperium; hi paternam successionem jure naturæ fulciebant. Litem diremit HENIUS usu rerum & autoritate pollens, & à ZUSINIO, factione utraque omisâ, pronunciavit. Sed his paria, imò pejora suis quæque locis referentur, ab unâ dominandi libidine, quæ nec sanguine junctis parcit, & omnia pro utilitate dispensat, orta. Hujus tamen imperium, ubi cognatorum lites consenuere, perpetuâ pace floruit.

Cyclo 20. anno
52. ante Chrd.
Anno 1406.

DECIMUSTERTIUS IMPERATOR

VOKIAVS.

Imperavit annis XXV.

Hic per vim illatis contra nepotem armis imperium obtinuit, injustam quidem illud, diuturnum tamen & felix. Ejus filium, quem sibi successorem destinaverat, spei & ambitionis irritum nepos ejecit, ut ei præclusa esset in præsens omnis ad imperium via.

Cyclo 21. anno
8. ante Chrd.
Anno 1409.

DECI-